

# Møteprotokoll

**Utvalg:** Nasjonalparkstyret for Jotunheimen og Utladalen  
**Møtestad:** Telefon  
**Dato:** 20.04.2017  
**Tidspunkt:** 09:00 – 10:00

## Følgjande faste medlemmer møtte:

Namn	Funksjon	Representerer
Ivar Kvalen	Leiar	
Iselin Jonassen	Nestleiar	
Bjarne Eiof Holø	Medlem	
Sandra Opheim	Medlem	
Leif Solemsli	Medlem	

## Følgjande medlemmer hadde meldt forfall:

Namn	Funksjon	Representerer
Aleksander Øren Heen	Medlem	

## Følgjande varamedlemmer møtte:

Namn	Møtte for	Representerer
------	-----------	---------------

## Merknader

Aleksander Øren Heen meldte forfall så seint at det ikkje vart tid til å kalle inn vara. Aud Hove hadde varsla at ho kom litt seinare, men kopla seg ikkje opp til telefonmøtet før møtet var ferdig.

## Fra administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Ivar Kvalen (sign.)

Sandra Opheim (sign.)

## Saksliste

Utvalgs- saksnr	Innhold	Lukket	Arkiv- saksnr
ST 18/2017	Godkjenning av protokoll/innkalling		
ST 19/2017	Referatsaker		
RS	Melding om vedtak - Dispensasjon - Rammesøknad for byggetrinn 1 - Prosjekt Nasjonale turistveger Gjende - Statens vegvesen		2017/927
RS	Jotunheimen nasjonalpark - Militær lavtflyging - Besseggen - Gjende		2016/5480
RS	Orientering om regler for lavtflyging i Jotunheimen Nasjonalpark - oppfølging Miljødirektoratet		2016/5480
RS	Jotunheimen nasjonalpark - Dispensasjon - Motorferdsel - 2017 - Snødekt mark - Sledehundløp og bruk av skuter til oppkjøring av eksisterende løyper - spørsmål om utviding av trase - Jotunheimen Hundekjørerlag v/ Helge Holshagen		2016/5510
ST 20/2017	Delegerte vedtak		
2/2017	Delegert vedtak - Jotunheimen nasjonalpark - Dispensasjon - Motorferdsel - 2017 - Bruk av snøscooter for frakt av materialar og saltstein - Storådalen beitelag		2017/2043
3/2017	Delegert vedtak - Jotunheimen nasjonalpark - Dispensasjon - Motorferdsel - 2017 - Bruk av snøscooter for utkjøring skiltstativ Besseggen - Vågå Røde Kors Hjelpekorps		2017/2188
4/2017	Delegert vedtak - Jotunheimen nasjonalpark - Dispensasjon - Motorferdsel - 2017-2021 - Bruk av snøscooter for frakt av saltstein - Russdalen Beitelag		2017/2186
ST 21/2017	Klage - Jotunheimen nasjonalpark - Dispensasjon 2017 - Oppføring av gjeterhytte i Russdalen - Russdalen Beitelag		2016/8595
ST 22/2017	Jotunheimen nasjonalpark - Dispensasjon - Motorferdsel - 2017 - Bruk av snøscooter til filming av Gutta på tur - Parkas Production AS		2017/1425

ST 23/2017	Sak - Jotunheimen nasjonalpark - Tråkking av skiløype på Fannaråkbreen - Sognefjell Sommarskisenter	2015/1809
ST 24/2017	Jotunheimen nasjonalpark - Dispensasjon - Motorferdsel - 2017 - Utskifting av båt ved Nedre Høgvagltjønne - Rolv Moen	2017/2493
ST 25/2017	Sak - Jotunheimen nasjonalpark og Utladalen landskapsvernområde - Transport i samband med tilbygg på Gjertvasshytta - Luster austre fjellstyre	2017/2581
ST 26/2017	Eventuelt	

## **ST 18/2017 Godkjenning av protokoll/innkalling**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Saksprotokoll og innkalling godkjent.

Sandra Opheim vart vald til å underskrive protokollen saman med leiaren.

## **ST 19/2017 Referatsaker**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Referatsakene vart tekne til orientering.

<b>Melding om vedtak - Dispensasjon - Rammesøknad for byggetrinn 1 - Prosjekt Nasjonale turistveger Gjende - Statens vegvesen</b>	<b>2017/927</b>
<b>Jotunheimen nasjonalpark - Militær lavtflyging - Besseggen - Gjende</b>	<b>2016/5480</b>
<b>Orientering om regler for lavtflyging i Jotunheimen Nasjonalpark - oppfølging Miljødirektoratet</b>	<b>2016/5480</b>
<b>Jotunheimen nasjonalpark - Dispensasjon - Motorferdsel - 2017 - Snødekt mark - Sledehundløp og bruk av skuter til oppkjøring av eksisterende løyper - spørsmål om utviding av trase - Jotunheimen Hundekjørarlag v/ Helge Holshagen</b>	<b>2016/5510</b>

## **ST 20/2017 Delegerte vedtak**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Delegerte vedtak vart tekne til orientering.

<b>2/2017 Delegert vedtak - Jotunheimen nasjonalpark - Dispensasjon - Motorferdsel - 2017 - Bruk av snøscooter for frakt av materialar og saltstein - Storådalen beitelag</b>	<b>2017/2043</b>
<b>3/2017 Delegert vedtak - Jotunheimen nasjonalpark - Dispensasjon - Motorferdsel - 2017 - Bruk av snøscooter for utkjøring skiltstativ Besseggen - Vågå Røde Kors Hjelpekorps</b>	<b>2017/2188</b>
<b>4/2017 Delegert vedtak - Jotunheimen nasjonalpark - Dispensasjon - Motorferdsel - 2017-2021 - Bruk av snøscooter for frakt av saltstein - Russdalen Beitelag</b>	<b>2017/2186</b>

# ST 21/2017 Klage - Jotunheimen nasjonalpark - Dispensasjon 2017 - Oppføring av gjeterhytte i Russdalen - Russdalen Beitelag

## Saksprotokoll i Nasjonalparkstyret for Jotunheimen og Utladalen - 20.04.2017

### Vedtak

Nasjonalparkstyret for Jotunheimen og Utladalen held fast ved vedtaket i sak 11/2017. Russdalen Beitelag får med heimel i § 4 i verneforskrifta for Jotunheimen nasjonalpark, jf. naturmangfaldlova § 48, dispensasjon for oppføring av ei gjeterhytta for å lette arbeidet med tilsyn av beitedyr i området.

### Vilkår:

1. Gjeterhytta skal plasserast sentralt i Russdalen, i nærleiken av Blåtjønnodden. Detaljert plassering blir avgjort ved synfaring, der ein av forvaltarane kan representere nasjonalparkforvaltninga.
2. Arealet på gjeterhytta er ifølgje tilsende teikningar ca. 15 m<sup>2</sup>.
3. Gjeterhytta skal utformast i tråd med tradisjonell byggeskikk, med farge og materialval for at ho skal gå mest mogleg i eitt med landskapet - jf. verneforskrifta § 3 pkt. 1.3 siste ledd. Fargen skal vera naturfarge i den mørke og varme delen av fargeskalaen, og takplater skal ha matt overflate
4. Russdalen Beitelag er ansvarleg for vedlikehald og drift av gjeterhytta. Dersom drifta blir avvikla eller lagt om slik at det ikkje lenger er behov for gjeting, skal beitelaget demontere og fjerne alle spor av hytta – jf. vilkår i standard skjema for utvisingsforretning for gjetarbu frå Statskog.
5. Dersom spørsmål om bruksendring likevel skulle koma opp, vil dette krevje ei ny og sjølvstendig vurdering av løyve etter verneforskrifta § 3 pkt. 1.3. i).
6. Etter bygging skal eventuelle bygningsmaterialar som er til overs ryddast og trensporterast bort frå området, jf. verneforskrifta § 3 pkt. 7.1.

Grunngjeving for at styret ikkje tek klagen frå Fylkesmannen i Oppland til følgje:

- Det er lagt til grunn at behovet for gjetarbu er til stades, og klagen gjeld berre plasseringa. Nasjonalparkstyret godkjenner ei plassering sentralt i beiteområdet, i tråd med søknaden, medan klagar vil trekkje bua ca. 3 km lengre inn i verneområdet for å få plassert den i nærleiken av ein anna bu.
- Saka gjeld nybygg som krev streng vurdering og behandling etter den generelle dispensasjonsheimelen, uansett om ein går for sentral plassering i beiteområdet slik beitelaget har søkt om, eller om ein går inn på den skisserte løysinga frå Fylkesmannen (klagaren) med plassering ved Sundodden. Sidan også klagar skisserer ei mogleg løysing med eit nybygg i medhald av den generelle dispensasjonsheimelen i § 4, jf. nml § 48, kan ein ikkje sjå nokon prinsipiell skilnad på desse to alternativa.
- Nasjonalparkstyret ser at eventuell presedensverknad kunne vore meir utfyllande vurdert enn det som går fram i sak 11/2017. Dette er nå konkret vurdert, og ein kan ikkje sjå at det kan koma fleire tilsvarende søknader, jf. saksvurderinga som konkluderer med at andre beitelag med areal innan verneområdet allereie har tilsynsbu, eller like gjerne kan lokalisere ei slik utanfor vernegrensa.
- Det må baserast på ei brei skjønnsmessig vurdering av om bua skal plasserast sentralt i beiteområdet i nærleiken av Blåtjønnodden, eller om den må plasserast på Sundodden slik Fylkesmannen/klagar ønskjer. Det synest noko underleg at det skal vera betre i høve til verneverdiane å få eit nybygg enda lengre inn i

nasjonalparken enn det vart søkt om. Generelt ønskjer ein unngå inngrep langt inne i parken, og landskapspåverknaden kan nok opplevast som sterkare i det opne landskapet ute på Sundodden enn om ein får bua plassert i nærleiken av Blåtjønnodden. To ulike buer med 50-100 meters avstand på Sundodden kan verke like forstyrrande i landskapet som å få ei ny bu på ein mindre eksponert lokalitet der ho samstundes har større nytteverdi for beitelaget. Uansett er plasseringa basert på eit brei skjønnsmessig vurdering, og ein viser til Klima- og miljødepartementet sitt brev av 02.03.15 der det m.a. står at *«I en bred skjønnsmessig vurdering bør klagemyndigheten legge vekt på nasjonalpark- eller verneområdestyrets syn. Hvis vilkårene for å gi dispensasjon er oppfylt og styret har foretatt en begrunnet avveining basert på lokalt skjønn og lokalkunnskap, bør klagemyndigheten vise tilbakeholdenhet med å overprøve dette skjønnnet.»*

Konklusjon: Vedtaket i sak 11/2017 vert oppretthalde, og saka blir sendt over til Miljødirektoratet for endeleg behandling.

## **ST 22/2017 Jotunheimen nasjonalpark - Dispensasjon - Motorferdsel - 2017 - Bruk av snøscooter til filming av Gutta på tur - Parkas Production AS**

### **Forvaltar si innstilling**

Med heimel i verneforskrifta § 3 pkt. 6. 1 avslår Nasjonalparkstyret for Jotunheimen og Utladalen søknad frå Parkas Productions om dispensasjon for bruk av snøscooter frå nasjonalparkgrensa og over Styggebreen.

- Motorisert ferdsel i nasjonalparken er i utgangspunktet forbode. Dispensasjon kan vurderast for tiltak heimla i verneforskrifta og til særskilde formål der vilkåra i naturmangfaldlova § 48 er oppfylt. Det er ikkje anledning bruke § 48 til å gje løyve som på sikt vil uthole vernevedtaket, gjennom fleire liknande saker som vil følgje av uheldig presedensverknad.
- Forvaltningsplanen legg vekt på å redusere motorferdselen til eit lågast mogleg nivå, og det blir vist til ordlyden i forvaltningsplanen kap. 8.15.5 om vilkår som vil bli lagt til grunn for motorisert ferdsel: *«h) løyve til transportoppdrag for mediaformål må vurderast konkret. I utgangspunktet vil berre tiltak som kan knytast saman med innhaldet i formålet med vernet, som til dømes opplysningsfilmar med opplæring/ undervising som formål, bli gjeve. Reklamefilming skal leggast utanom verneområda. Det same bør gjelde for spelefilmar o.l. Det kan vere aktuelt å gje løyve til motorferdsel til å dekkje nyhende som blir vurdert som viktige.»*

Bjarne Eiof Holø sette fram forslag om at Parkas Productions får dispensasjon for bruk av snøscooter frå nasjonalparkgrensa og over Styggebreen, på same vilkår og med same grunngjeving som vart brukt for NRK sin søknad om filming 17. mai i fjor. Programmet «Gutta på tur» har svært stor marknadsføringsverdi, og det er ønskjeleg å leggje til rette for filmopptak av best mogleg kvalitet over Styggebreen.

Sandra Opheim gjekk inn for å støtte forvaltar si innstilling til vedtak.

Leif Solemsli presiserte at det ved slike produksjonar er det viktig å få ein samla søknad, slik at ein ikkje måtte behandle spørsmål om dronofilmning i ei sak, og snøscooterbruk i neste møte.

Ved avstemming fekk Bjarne Eiof Holø sitt forslag 3 stemmer. Ivar Kvalen og Sandra Opheim stemte for innstilling frå forvaltar.

### **Vedtak**

Parkas Productions får med heimel i naturmangfaldlova § 48, jf. verneforskrifta for Jotunheimen § 4, dispensasjon for bruk av snøscooter frå nasjonalparkgrensa og over Styggebreen i samband med filmopptak for TV-programmet «Gutta på tur».

Galdhøpiggen ligg i eit område av nasjonalparken utan spesielt sårbare verneverdiar, og er i ein sone i forvaltningsplanen der det er opna for ein del bruk. Motorferdsel skal likevel haldast på eit lågast mogleg nivå, jf. formålsparagrafen (§ 1 i verneforskrifta) og føringar gjevne i forvaltningsplanen.

Løyvet blir gjeve på følgjande vilkår:

- Dispensasjonen gjeld transport av filmutstyr/personell med ein snøskuter frå nasjonalparkgrensa ved Styggebreen og inn til foten av Galdhøpiggen ved Piggeura.
- Omfanget av snøskuterkjøring innan nasjonalparken må avgrensast til det som er strengt nødvendig for å gjennomføre gode filmopptak på ein effektiv måte.
- Løyvet gjeld for ein dag i mai 2017. SNO v/ Rigmor Solem skal ha melding om dato seinast dagen før transport. Mobiltelefon 959 65 158, e-post [rigmor.solem@miljodir.no](mailto:rigmor.solem@miljodir.no)
- Filmopptak som blir vist i produksjonen skal ikkje vise motoriserte framkomstmiddel, men formidle arrangementet, som i seg sjølv blir gjennomført utan motoriserte hjelpemiddel.
- Det skal sendast ei enkel tilbakemelding på e-post med oppsummering av gjennomføringa innan ei veke etter at oppdraget er gjennomført.

Nasjonalparkstyret vil presisere at ved slike produksjonar er det viktig å få ein samordna søknad som viser alle tiltak som krev dispensasjon, slik at ein ikkje behøver å behandle spørsmål om dronofilmning i ei sak, og snøscooterbruk i neste møte.

# ST 23/2017 Sak - Jotunheimen nasjonalpark - Tråkking av skiløype på Fannaråkbreen - Sognefjell Sommarskisenter

## Saksprotokoll i Nasjonalparkstyret for Jotunheimen og Utladalen - 20.04.2017

### Vedtak

Med heimel i §3 pkt. 5.2 og 6.3 n) i verneforskrift for Jotunheimen nasjonalpark gjev Nasjonalparkstyret for Jotunheimen og Utladalen dispensasjon for oppkøyring av langrennsløyper på eit avgrensa område på Fannaråkbreen. Løyve vert gjeve med følgjande vilkår:

1. Løyve gjeld 5 år: frå 2017 til og med 2021.
2. Tidsrom:  
Oppkøyring av langrennsløyper på Fannaråkbreen kan først ta til når det ikkje lenger er tilfredstillande snøtilhøve i tilgrensande område utanfor nasjonalparken, men ikkje før 1.juli. SNO skal ha melding straks køyring i nasjonalparken tek til.
3. Tidspunkt for oppkøyring:  
Oppkøyring av løyper kan skje inntil to gonger om dagen. Ein skal ta omsyn til turar med breførar til/frå Fannaråken og unngå oppkøyring mellom kl.1100 og kl.1330 med mindre vertilhøva gjer det heilt naudsynt.  
Oppkøyring av løype til og frå treningsområdet skal skje høgst ein gong om dagen.
4. Område:  
Oppkøyringa av langrennsløypa på Fannaråkbreen skal skje aust for breførarruta mellom Sognefjellshytta og Fannaråkhytta og leggjast i god avstand frå breførarruta, og så langt som mogleg vere ute av syne frå denne. Det same gjeld rast og parkering av snøskuter/trakkemaskin. Dersom det mot slutten av sesongen vert for lite snø i det nemnde området aust for breførarruta, kan ein ta i bruk området ved bandet mellom Steindalsnosi og Fannaråken.
5. Diverse:  
Oppkøyring av løype kan gjerast med snøskuter eller trakkemaskin. Det kan køyrast opp løyper både for klassisk stil og skøyting.  
Sognefjellet sommarskisenter er ansvarleg for tryggleiken i samband med den organiserte langrennstreninga og oppkøyringa av løyper. Sommarskisenteret er også ansvarleg for opprydding dagleg og ved sesongslutt.  
Løyvet er gjeve på vilkår av at aktiviteten ikkje aukar vesentleg m.o.t. areal, omfang og intensitet.
6. Rapport:  
Dersom løypeprepareringa på Fannaråkbreen er gjennomført, skal det sendast rapport til Nasjonalparkstyret for Jotunheimen og Utladalen etter sesongslutt. Rapporten skal innehalde oversikt over kor mange dagar i kvar månad som vart nytta til trening på breen, i kva for område, og tal personar som har vore med på dei organiserte treningssamlingane i nasjonalparken. Dersom det har vore køyring med snøskuter/trakkemaskin mellom kl. 1100 og kl. 1330 skal dette vere med i rapporten, med grunngjeving for dei dagane det gjeld.
7. Inndraging av løyvet  
Dette løyvet kan inndragast dersom vilkåra vert brotne. Sommarskisenteret må rekne med kontroll frå oppsynet.  
Dersom spesielle tilhøve gjer det naudsynt med endring av vilkåra eller inndraging av løyvet, skal forvaltningsstyresmakta varsel Sognefjellet sommarskisenter minst ni månadar i førevegen, dvs. innan 1. oktober året før.



## **ST 24/2017 Jotunheimen nasjonalpark - Dispensasjon - Motorferdsel - 2017 - Utskifting av båt ved Nedre Høgvagltjønne - Rolv Moen**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Rolv Moen får med heimel i verneforskrifta § 3 pkt. 1.3.l) løyve til utskifting av båt ved nedre Høgvagltjønne på følgjande vilkår:

- Løyvet vert gjeve for ein periode på 4 år – for åra 2017-2020, med høve til forlenging gjennom delegert vedtak frå forvaltar, dersom det ikkje oppstår ein situasjon som krev endra vurdering.
- Retningslinjer for utplasserte båtar skal konkretiserast og innarbeidast i revidert forvaltningsplan.
- Utanom bruk skal båten lagrast best mogleg skjerma, og merkast med namn.
- Dersom bruken opphøyrer, skal båten fjernast.
- Forvaltningsstyresmakta skal ha melding når båten vert utplassert, med opplysning om plassering i terrenget og bilete av båten.
- Det blir gjeve løyve til transport på vinterføre, der fjelloppsynet i Lom vil stå for transporten og samordne denne med andre ærend i området.

Dette løyvet gjeld i høve til verneforskrift. Ein føreset at det ligg føre godkjenning frå fjellstyret, sidan saka gjeld vidareføring av etablert tiltak.

## **ST 25/2017 Sak - Jotunheimen nasjonalpark og Utladalen landskapsvernområde - Transport i samband med tilbygg på Gjertvasshytta - Luster austre fjellstyre**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Nasjonalparkstyret for Jotunheimen og Utladalen gjev etter § 3, 6.3f i verneforskrifta for Jotunheimen nasjonalpark og § 3, 6.3g i verneforskrifta for Utladalen landskapsvernområde løyve til motorferdsel i samband med å bygging av tilbygg på Gjertvasshytta på følgjande vilkår:

- Inntil 8 turar t/r med 2 skuterar for transport av tilbygget frå Skauthaugane til Gjertvasshytta.
- Inntil 3 turar med inntil 2 skuterar mellom Gjertvasshytta og Gjetarhytta i Guridalen. Skuter skal brukast langs kortaste veg mellom hyttene.
- Løyve gjeld mellom 20.april og 15. juni 2017.
- Lokalt SNO skal varslast per telefon/SMS i forkant turane (tlf. 959 65 158).
- Dato, tal skuterturar og tal skuterear skal rapporterast til nasjonalparkforvaltar innan 01. juli 2017.

## **ST 26/2017 Eventuelt**

### **Saksprotokoll i Nasjonalparkstyret for Jotunheimen og Utladalen - 20.04.2017**

#### **Vedtak**

Ingen saker til behandling under eventuelt.